

**LEGAZPIKO “HAURREN UDA IKASTAROA” UDALEKU IREKIETARAKO
ZUZENDARIA HARTZEKO OINARRIAK
2020**

1. Deialdiaren xedea.

Oinarri hauen helburua da Legazpiko Udaleko Euskara Sailak antolatzen duen “Haurren Uda ikastaroa” izeneko udaleku irekietarako zuzendaria aldi baterako hartzeko deialdia arautzea.

Kontratuak ekainaren 29tik uztailaren 24ra (biak barne) iraungo du eta lanaldia Udalak ezarriko du aipatutako programari aurre egiteko beharrak kontuan hartuta.

Ordainsaria: Legazpiko Udaleko ordainsarien taularen 7. maila.

2. Prozesuan parte hartzeko baldintzak.

Onartua izateko eta hautaketa prozesuan parte hartzeko baldintza hauek bete behar dira:

1. 18 urte beteta izatea, izena emateko epea bukatzen denerako.
2. Aisialdiko zuzendari titulua izatea.
3. Euskaraz ongi hitz egin eta idaztea.
4. Funtzioak behar bezala betetzeko eragozpenik ez izatea, gaixotasun edo muga fisikoen ondorioz.
5. Inolako Administrazio Publikoren edo Autonomia Erkidegoetako konstituzio- nahiz estatutu-organoen zerbitzutik diziplina-espeditente bidez baztertu gabea izatea eta funtzio publikoak betetzeko ezgaituta ez egotea.
6. Sexu-izaerako delituengatik aurrekari penalik ez izatea.
7. Kontratazio hau ez da bateragarria izango beste lan kontratu edo funtzionario izendapen batekin.

3. Eskabideak aurkeztea.

Epea: ekainaren 15etik 19ra.

Lekua: Legazpiko Udaleko Herritarren Arreta Zerbitzuan (HAZ). **Orduetgia:** 8:00etatik 15:00etara.

Halaber, eskaerak posta-administrazioetan aurkezteko aukera izango da, urriaren 1eko Administrazio Publikoen Administrazio Prozedura Erkidearen 39/2015 Legeak, 16.4 artikuluan araututakoari jarraiki. Horrela egiten bada, eskaerak Udaleko alkate-presidenteari zuzenduko zaizkio kartazal ireki batean, posta bulegoko funtzionarioak data eta zigilua jar diezaion, eskaerak aurkezteko epearen barruan. Dokumentuak posta-bulegoan aurkeztutako eguna Erregistro Orokorreko sarrera-data gisa hartuko da baldin eta baldintzak betetzen badira.

4. Aurkeztu beharreko agiriak.

- Eskaera orria beteta (www.legazpi.eus Web gunean zein Legazpiko Udaleko HAZen eskuragarri).
- Aisialdiko zuzendari titulua (iaz ekarri zutenek ez dute berriz aurkeztu behar izango).
- Euskara mailaren ziurtagiria.
- Eskaeran aipatutako merezimenduak egiaztatuko dituen beste edozein agiriren kopia (iaz aurkeztu baziren, ez dira berriz aurkeztu beharko). Horien artean, Legazpin erroldatuta ez daudenak, oinarritzko ikasketak Legazpin egin dituela egiaztatuko duen agiria.
- Lan-ibilbidearen agiria (2019ko ekainaren 1etik izena emateko epe artekoa). Agiri hau www.seg-social.es helbidean edo 901 50 20 50 telefono-zenbakira deituz eskuratzen da.

5. Kalifikazio-epaimahaia.

Epaimahaia apirilaren 22 edo 23an bilduko da aurkeztutako merezimenduak baloratzeko. Honako kideek osatuko dute epaimahaia:

- Lehendakaria: Euskara saileko zinegotzi ordezkaria
- Kideak: udaletxean ordezkaritza duten talde politikoetako ordezkari bana
- Idazkaria: euskara teknikaria

6. Izangaiak onartzea.

Eskabideak aurkezteko epea amaituta, onartutako eta baztertutako izangaien behin-behineko zerrenda argitaratuko da Legazpiko Udalaren web orrian (www.legazpi.eus).

Baztertuak izan direnek bi eguneko epea izango dute, zerrenda web orrian argitaratuko den unetik bertatik hasita, baztertuta geratzea eragin duten akatsak edo ez-egiteak zuzentzeko.

Behin-behineko zerrenda automatikoki behin betikoa bihurtuko da, baldin eta erreklamaziorik aurkezten ez bada.

7. Hautaketa-prozesua.

Ondorengo irizpideei ezartzen zaizkien puntuazioen arabera, hautagai bakoitzeko puntuazio bat aterako da eta horren arabera kontratazioa egiteko erabiliko den hurrenkera lortuko da.

* Titulazioa:

- Aisialdiko zuzendari titulua:
 - ✓ Euskaraz burutu bada: 3 puntu

* Euskara:

- C1 maila: 3 puntu.
- C2 maila: 4 puntu.

* Lan-esperientzia:

- Udaleku itxietan zuzendari lanetan: 15 eguneko 1,5 puntu, gehienez 3 puntu.
- Udaleku irekietan zuzendari lanetan: udaleku bakoitzeko puntu 1, gehienez 4 puntu.
- Udalekuetan begirale lanetan: udaleku bakoitzeko 0,5 puntu, gehienez 2 puntu.
- Ludoteka, aterpetxe edo gazte-leku batean koordinatzaile lanetan: urte bakoitzeko puntu 1, gehienez 2 puntu.
- Ludoteka, aterpetxe edo gazte-leku batean hezitzaile-lanetan: urte bakoitzeko 0,5 puntu, gehienez puntu 1.

* Herritartasuna:

- Legazpikoa izatea eta bertan bizitzea: 4 puntu.

* Langabezia: aintzat hartuko da azken urtean (2019ko ekainaren 1etik izena emateko epea hasi arte) lanik gabe egondako denbora:

- lanean 60 egun baino gutxiago eman dutenek 3 puntu jasoko dituzte.
- lanean 61 egun baino gehiago eta 120 egun baino gutxiago eman dutenek 2 puntu jasoko dituzte.
- lanean 121 egun baino gehiago eta 180 egun baino gutxiago eman dutenek puntu 1 jasoko dute.

8. Izangaien zerrenda.

Berdinketa izanez gero, ordena ezartzeko honako irizpide hauek hartuko dira kontuan, hurrenez hurren:

1. Herritartasuna: Legazpikoa izatea lehenetsiko da.
2. Ikasketak: gizarte arlokoak eta maila gorenekoak lehenetsiko dira.
3. Langabezia: langabe denbora gehien egon dena lehenetsiko da.
4. Zuzendari titulua: euskaraz egin izana lehenetsiko da.
5. Zuzendari titulua: lehenago eskuratu izana lehenetsiko da.

Eta irizpide horiek aintzat hartu eta gero, hala ere berdinketa ematen bada, puntuetan berdinduta dauden gainerako hautagaiekin zozketa egingo da.

Hautaketa bukatu ondoren, Epaimahaiak lortutako puntuazioaren ordenaren arabera zerrenda argitaratuko du Legazpiko Udaleko iragarki taulan eta Web orrian, eta onarpen proposamena igorriko du, aurretik aipatutako kontratazioak egiteko.

9. Aukeratutakoaren betebeharra.

- Euskara izango da lan hizkuntza.
- Hurren uda ikastaroaren ardura izateaz gain, gerta daitezkeen ordezkapenak betetzea.
- Begiraleek egin beharreko prestakuntza-ikastaroa gidatzea. Ikastaroaren eguna aurrerago zehaztuko da.